



21. november 2008

Inatsisartut Forretningsorden-iani § 36 imm. 1 tunngavigalugu Naalakkersuisunut apeqquteqaatit makkua apeqquteqaatiginiarpakka:

**Kulturimut, Ilinniartitaanermut, Ilisimatusarnermut Ilagiinnullu Naalakkersuisunut ilaasortap assammik arsarnermi Nunarsuarimi Pissartanngorniunnermi najuussimanermini ilassinnernermut aningaasartuutigisimasai pillugit Naalakkersuisunut apeqquteqaat.**  
(Inatsisartunut ilaasortaq Palle Christiansen, Demokraatit)

### **Tunngavigisaq**

Sapaatip akunnerani qaangiuttumi AG-p saqqummiussimavaa Kulturimut, Ilinniartitaanermut, Ilisimatusarnermut Ilagiinnullu Naalakkersuisunut ilaasortap bilag-inik ingerlatsinera eqqunngitsortaqartoq. Tyskland-imi assammik arsarnermi Nunarsuarimi Pissartanngorniunermik ingerlatsisoqarnerata nalaani naalakkersuisup pineqartup nereqatigiisitsinerani minnerpaamik inuk ataaseq peqataasimannikkaluartoq peqataasunut ilanngullugu allanneqarsimavoq. Tamatuma kingorna Naalakkersuisunut ilaasortap pineqartup AG-p tusagassiortuisa pisimasoq pillugu apeqqu-teqaateqarneri akissuteqafigerusussumannilai. Pisimasut taakkua marluutillugit Demokraatiniit akuersaarneqarsinaannigitsutut isigigatsigit Naalakkersuisunut apeqquteqaatigerusuppavut, taakkualu ullut suliffiusut qulit qaangiutsinnagit AKINEQARNISSAAT kissaatigaarput. Kisiannili innuttaasut politikkikkut suliaqarnermut ataqqinninnerat eqqarsaatigalugu Naalakkersuisut qinnuvigerusuppavut apeqquteqaatit tuaviortumik akissuteqarfigeqqullugit.

Suna pissutigalugu Tyskland-imi Nunarsuarimi pissartanngorniunnermi neriartarfimmi akiliutit allagartaanni minnerpaamik inuk ataaseq peqataanikuunngitsoq allanneqarsimava?

Suna pissutigalugu Kulturimut, Ilinniartitaanermut, Ilisimatusarnermut Ilagiinnullu Naalakkersuisunut ilaasortap AG-mi tusagassiortut apeqquteqaataannut akissuteqarusussimannila?

Kulturimut, Ilinniartitaanermut, Ilisimatusarnermut Ilagiinnullu Naalakkersuisunut ilaasortap ilassinnernermi akiliutini takussutissanik allani eqqunngitsunik ilisimasaqarnerluni?

Kulturimut, Ilinniartitaanermut, Ilisimatusarnermut Ilagiinnullu Naalakkersuisunut ilaasortap ilassinnernermi kontomini Inatsisartut Kukkunersiuinnermut Ataatsimiititaata misissuisinnaanisaaq bilaginik tamarmiusunik takunnissinnaanissaat akuerisinnaanerlugu, arlaanik eqqunngitsoqassappat qulaapallanneqarniassammata?